

四庫禁燬書叢刊編定委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

補編第四五冊目次

明文案二百十七卷(存卷一至卷一百十四 卷一百二十五至

卷二百十七)(二)

(清)黃宗羲輯
清鈔本

.....

明文案二百十七卷（存卷一至卷一百
十四 卷一百二十五至卷二百十
七）（二）

〔清〕黃宗羲輯

清鈔本

浙江圖書館藏

明文彙目錄

第三十三卷

鄉飲酒碑 王晏

碑甲

仗錫寺碑 烏斯道

然寧王廟碑 程本立

火罩觀碑 劉定之

治河碑 徐有貞

漢懿帝碑 邵寶

第三十四卷

會稽雙祠碑 文徵明

碑乙

吳郡治水碑 王鏊

盱江書院碑 李壽陽

紫微塚碑 王度

征南碑 田汝成

誅髡賊碑

漫錄 馮夢楨

建武城碑 任瀚

碑丙

第三十五卷

嶺東平寇碑 黃佐

懷來陳礪碑 翁萬達

朱令去思碑 王世貞

太平寨忠義廟碑 屠應埈

宗子相祠碑

德化寺碑 沈德

晉黃孝子祠碑 湯顯祖

兩朝忠烈祠碑 黃道周

王忠文祠碑

第三十六卷

平江漢頌 宋濂

鄧院判勲德頌 朱升

平安南詩 楊士奇

平胡詩

平安南頌 胡廣

平胡頌

平安南頌 楊榮

平西夏頌 楊一清

平安南頌 胡廣

議

第三十七卷

孔子廟堂議 宋濂

劉靜修薛文清議 劉定之

錢穀議 萬恭

也田鹽法議

漕河議

日本貢市議 錢穀

均糧議

監法議 郭子章

保甲議 葉向榮

錢法議 郭子章

明文業卷之三十三

姚江黃德冰先生選

碑

鄉飲酒碑

王 奕

皇明既一四海乃大興禮樂以新今俗還古道為千萬世計惟
鄉飲酒由近代以還蔑之有講洪武五年始詔郡國以孟春孟
冬舉行斯禮而諸律焉其時江夏魏公寔守蕪州奉詔唯謹既
一再行之然尚恐未能宣上德意是以明年復奉考儀禮以授
經歷李亨教授貢穎之使以郎士周南老王行徐用誠共商校
之且使張端及諸生相與習焉爰舍某先聖先師以孟冬之月
吉日癸未行于郡學其大賓為前進士魏俊民介為先聖五十
四世孫恩調俱為推官王芳三賓為范廷徽眾賓為即允禮錢

瓊等十有一人次俱為知吳縣曾黼知長洲孫事張其而樂
正以張田司王以滕權賢而得其人如此又特位三老人曰崑
山周壽誼年百有十歲曰吳縣楊茂九十有三歲曰林文友七
十有二歲皆形充神先行坐有禮老人而得其人又如此然後
乃列坐八十以上者十有三人七十以上者六十有二人六十
以上者四十有七人五十立而聽政役者百人凡在位者之子
弟侍立者二十有八人主賓僕介之贊相爵尊豆盞組洗之執
事者皆具又別為教授位而吳縣教授徐禹崑山教諭陳圭次
之訓導十五人又次長洲教諭周敏則以侍其父南老者常熟
教諭傅著侍其父玉皆而北面立合鄉學及六縣弟子負之立
者一百有六十八人文武僚佐之在位親禮者若干人農工商賈
遠近之親者又以千計公年且七十而朱顏煥如獨出人表升

降揖拜竟日無倦而其子于盤侍立進趨中度如是禮明樂和
眾以大悅既乃讀律眾復肅以聽皆曰今天子神聖授吾人于
水火中而斯禮也吾身親見之幸哉越五日周老人還崑山公
躬出妻門之郊再拜以餞都之士女親者又慨焉以為幸見且
曰公于人之父兄也如父兄然吾於父兄宜行如君子以是知
公政興孝與弟者蓋易易然也且老人者生未景辰中歷元百
年矣而遭逢聖代意者天生斯老以待今仁壽園已在百年先
矣微公誰能表之矣也居公之野以病廢得扶曳以親焉蓋曠
世之遭也故為銘其堂下碑曰於唯皇王正此方夏爰釋戎衣
有事即社祀享會朝禮作樂造神人既和及鄉飲酒雖鄉飲酒
萬方攸同律孝與義載臻時雍顯顯公收我蕪人公有旨酒樂
我嘉賓嘉賓至止以俱以介公在泮宮賓至則拜乎出祖東壁

蓋自東房玄酒于尊房戶是當有勺有勺莫彼爵矣再拜指首
獻且醉矣吹笙鼓瑟而舞而簫而問以歌厥音猶猶有黃其髮
始背兒齒百有十歲眉壽曷已公拜而饋寔謂父兄何以將之
篚有玄黃賓既樂只言旋言歸醉飽自公視公則願我子我孫
公之孫子公我父兄我考我弟公曰弗哉天子明聖天子萬年
畜爾子姓猗嗟撫人今爾使古哉作歌詩以告來世

伏錫禪寺蹟之碑

烏斯道

古之逃空虛者必靈境真區擇而居焉至山水之氣秘而不洩神呵鬼禁人不能迹而見者尤為佛者所專若伏錫寺已是其地南去耶泊可二百里山深入萬壑中蛇盤斗折而上重巒疊嶂峭峻際天勝景絕世至峯頂頂打而與喧者可虛清流散飛灌木曾翠晴必露潤暑必扶蟻雖樵者摩常至四際又有峯二百八十有一回合起伏雲霞蔽虧肉七峯尤瑰異耶諸山咸莫之與抗唐龍紀元年有石霜下長政二尊宿去藤湖肇基於此寺建徒集天佑三年吳王錢氏賜今額十傳迨宋之天聖四年太白已禪師由天童飛錫而至土栗薦羞猛虎馴伏學者景從寺以增觀後其徒以禪師德隆名重足以開先裕後又尊之為第一代祖寶元二年額加延勝莊茲席者類多碩德雲栖霽食

燈傳香衍寔東南之望剎歷歲滋席寺或燬或復傳五十二代連時孔艱窘於徭役費如丘山皆產重巒僧日窳匿寺日摧毀至仁讓公負荷法任痛念諸祖創業之難倡道不匱苟不謹本技業以亡雖有智力者出求興復如故惡可得哉于是殫心瘁容躬走官府招亡植壞保守先業于綱紀糜爛之後甫上歲珠環壁全俾圓頂方袍之士映望今往山起予公又力闢遺緒萬揚前休托章壇書走永新請于予曰寺舊有額未載諸樂石以災而不存茲不紀述則建初之蹟圖存之功咸泯沒無傳敢再先生之文明始顯今以貽厥後余謂昔諸祖必處天高深靜絕者蓋以明心慧性非遠紛去華一耳目之官不可也若茲山者豈易致基業豈易圖哉自佛法入國中法有沮行寺有興廢莫有常者元運既紀天下大第靖寺悉廢于兵燹吾郡幸無恙而

廢于艱難者又十九為茲伏錫禪寺將絕而復振頤諸祖之額力深重亦讓予二公之力也以世間相論之寺有興有廢以正法眼跡之寺未嘗有興廢也然不有世間相何以明正法眼哉自茲以往比主是山者鑿往懲柔使是寺益以永夕得以考鐘伐鼓大宏講席以正耶忘則其功德又豈忝于諸祖也耶寺之棟宇土田與夫山所入之利其刊諸碑陰繫以詩曰東南之山唯明為盛唯明之山伏錫為勝高設于天閭司于神其在玄古豫與哲人哲人伊誰張于佛氏藤湖之長太白之已有耶其址有歸其廬建業之始倡道之初名聞雷厲學校雲集結茲席者代踰五十匪山之靈胡底于成匪祖之聖胡底于寧元運之末根祇艱絕讓予者出式茂其藥以隆于淋斯永其傳克懋於後斯昭其先伐鼓考鐘環居刊石心祖之心庶幾朝夕有章有程

有聲有輝俾四方士唯茲焉是歸

有非常之遇而後成非常之功有非常之功而後享非常之報
 湯之興阿衡聘放華野周之興尚父載于渭濱曰漢曰唐曰宋
 有所興必有所遇然而義則君臣親則父子若我大明皇帝之
 黔寧王者未之有也王姓泚氏諱英字文英鳳陽定遠人八歲
 而孤遭元末大亂居空煨于兵隨母逃難亦亦病沒惶無所歸
 謁上濼梁上為惻然與孝慈皇后撫之為子賜姓朱氏上即位
 金陵建元洪武始詔復王姓王天資孝厚重簡黑忠難在髻亂
 不樂兒戲年十八為帳前都尉由都尉為廣武衛親軍指揮使
 改廣信衛親軍指揮使拜食大都督府事陞同知大都督三十
 有三爵封西平侯授以鐵券賜號開國輔運推誠宣力武臣階
 自始勇將軍鎮國將軍至榮祿大夫勲為柱國以都尉守京口

以指揮使守廣信節制既開以同知大都督鎮撫關西皆有威
 惠天下兵馬莫大都督府總之在府七年裁度執務舉無留滯
 稱上意馬一從大將南征獨取鉛山下崇安嶺陳友定拔閩漳
 十八寨逃定閩中一從大兵北征出古北口獨克灰山全寧萬
 州遇驢駒河擒元知院李宣得男女萬口一為征西副將軍提
 京畿兵伐川藏抵崑崙山俘男女亦萬口馬五千牛羊十三萬
 聞地數千里一為征西將軍總京畿河南陝西山西諸軍征朵
 甘之地降其酋萬戶七失迎夷其部落平紉鄰七站之地擒洮
 州八十族蕃酋曰汪舒朵兒只曰阿烏都兒并其眾二萬獲馬
 牛羊二十萬一總陝西兵出和林畧以其乃路自寧夏歷賀蘭
 山漫流沙擒元國公脫火赤元知院愛足得其全部以歸天下
 已大定而梁王栢回刺瓦爾密是元之遺孽恃雲南險遠執我

信使納我遁逃上命穎國公傅友德為征南將軍王為副將軍
 師三十萬討之旌旗蔽江而上自辰沅陸出羅鬼普定普安皆
 下矣苗蠻犯難迎降恐後循格孤山之南出奇兵疊舉節擊可
 師于曲靖也王曰彼謂我師罷于深入未有虞心及其無虞心
 乃可破也於是倍道進師未及白石江忽大霧回塞衝霧及江
 而止霧霽則兩軍相望達里麻大驚以為我師飛至固擁兵陳
 水上得征南亟歎濟師王曰未可別遣一軍沂流潑澆出其陳
 後鳴銅角樹旗幟為疑兵山谷間達里麻軍散亂王乃起師濟
 濟江以猛而善泅者先之長刀蒙盾所其軍而奪之氣却數里
 而後散陳我師既濟整列而鼓砲聲震天地戰數合王縱鐵騎
 衝其軍遂大敗之生擒達里麻得甲士二萬馬萬匹死者橫屍

十餘里栢回刺瓦爾密聞達里麻敗迫滇池島中先縱其妃而
 自飲藥不死投水死之父老爭出金馬山焚香暹拜以迎王師
 王入鄯開城市不易肆收梁王金印并官符信圍藉撫其民
 洪武十四年冬十二月也自秋九月出師至是百日雲南平分
 兵下烏撒得七星關以通畢節略建昌澂江臨安沅江尋甸楚
 雄洱海次第皆下大理城倚點山西洱河為固南詔皮羅閣所
 築龍首龍尾二關險要王自將取之土酋段世聚眾五萬搥
 龍關岸不可破王以一軍付裨將夜從間道繞出點蒼山後攀
 木緣崖而上立我旗幟連民彼軍驚亂王策馬渡河水及馬腹
 將士隨之斬關而入彼軍腹背受敵遂潰技其域擒段世脅從
 者悉縱遣之分軍下鶴慶麗江收三營塔破石門關畧永昌由是
 西蕃軍早納相率來附雲南平以幅員之廣分烏撒以東越嶺

以北皆隸四川餘列為郡邑九府州縣宣慰司長官司一百八籍其見戶七萬四千六百設官以治其民立衛以守其地高撤東川建昌謀變王選與侍征南合攻下之并克芒部斬首三萬級獲馬牛羊數萬計王師已東鄧蘭諸蠻部乘之以叛圍城二十萬眾都督馮誠以孤軍固守伏強弓弩於城賊近報射之往往應弦而斃伺賊怠則出擊之賊不敢即攻城王將銳兵一萬赴援至曲靖遣一健妾懷撒入城約為內應為賊所得詰之賊皆錯愕轉相告報解圍宵遁王既入城賊散走安寧羅次即旬雷民晉寧大棋江川諸山枕據險立柵悉分兵殄滅之斬首六萬級生擒四千諸即復定奏聞上大悅詔侍征南班師王留鎮雲南辦方物以定其貢賦視民數以均其力役錄其節目以寧便其人麓川之外有國曰平緬車里之外有國曰八百媳婦皆

請內附在鎮十年得上恩賜悉未官府以助軍費凡遣將討賊者六通寇集浪窩鷓慶劍川報相應為亂遣大里衛指揮使鄭科撥而破之平緬叛結皆于馬龍他即甸之摩沙勒遣都指揮使寧正擊破之斬首千五百級東川蠻據烏路山為砦山極險峻上下三百里遣寧正帥雲南兵與京畿大兵相為犄角討之賊已降復有賊志悉平之越州首阿資叛遣寧正討之殺火頭弄宗等五十九人俘男女馬牛羊皆以千計阿資母出降教化三都示不供祖賦遣臨安衛指揮使王執討平之普安苗寨即叛遣貴州都指揮張泰擊破之自將討賊者四廣南特磨道未附自將討之首出降廣西阿赤部叛自將討之諒其首曰者滿曰矣情俘男女五十口平緬以三十萬眾寇定遠自將兵二萬討之與寇對壘以輕騎三百密寇寇出萬眾乘三十眾以戰一戰

而殺寇數百人獲一象以還王曰吾知賊不是破也明日寇集眾驅百象以陣象皆背負欄柵左右以大竹筒置短鎗其中象以標之勢恃以張王分軍為三馮誠領其前寧正領其左都指揮同知湯昭領其右乃下令曰今日之事有進無退進而獲者一級必盡賞退而斃者一隊必盡戮于是鼓而合從機發箭鋒星沓烟飛雷擊電支象皆驚北寇之勇而力者曰昔刺赤珠危戰我左軍小却王登高望之命左右取左帥之首來左帥遂死一又拔刀飛騎而下摩眾復前王責賊益急三軍大呼而塵不移時寇大敗斬首三萬級俘萬人生獲四十六眾餘眾被矢如刺以死渠帥刀斯即埋亦被百矢陸象上蘇黨之死者無一還自是平緬歲入貢賦不復反矣阿資復叛自將討之擊于補衝殺獲其眾殆盡阿資僅以身免方搜捕山間俄有旨諭王還

鎮以前軍會都督何福為平寇將軍寧正為參將領其兵阿資遣其子詣王降王請于朝立衛越州鎮之逆罷兵歲較屯田所入增捐以為賞罰計遠近蠻田至九十七萬畝以渠池水廣漢漢霖雨滋濕瀕池之田不可以稼乃督萬丁自池口入渠壘川中渡而大之無復水患通鹽井之利以東商旅進凡邑之從者與諸酋之子第入雲南府學朝朝或賜之飲膳歲時或賜之衣服人命竹鄉酒致禮于學民知尊長養老即與其孝弟矣二十十月王入朝上宴之奉天殿賜黃金二百兩白金五十兩繒線百鈔為貫凡七萬五千以西南之人安于王也復歸之鎮初三王留鎮之明年吳孝慈皇后三日不食痛極絕又再鎮之三年吳皇太子號恟失聲欽命為少一日晨覺三十五年夏六月丁卯也辛年四月有八官條士庶胥吏卒伍緇黃髮白莫不

奔號其門泣語于路訃至京師上哭之慟不視朝一日自為文
達禮官性祭命詞子春春喪以歸詔發兵護喪出境所過衛府
州縣設祭如禮柩出金山送者萬人鬻喪首長哭之盡哀喪
至自雲南詔封黔寧王謚昭靖三代考皆黔寧王世皆黔寧王
夫人冬十月庚午以玉禮葬江寧縣長北鄉觀音山之原自
喪歸至葬上遣使祭者三皇太孫親王遣使祭者再葬之二日
詔春臺西平侯爵嗣鎮雲南賜白金若干萬兩明年太常以太
平祭王功臣廟而雲南父老諸首首合辭願立廟祀王守臣奏
請上許可之又明年廟成父老諸首請本立紀王勲德刻諸廟
石嗚呼自桑靖康之亂夷狄入中國百五十年而拙于元矣矧矧
微濁神憤人怒天命我明掃除滌滌水清四海以承大統以是
賢豪並出輔成帝業至于西南六詔之地一變而為華夏之俗

非斯民之大幸與王之治西南也以成武定其地者功若遠而
第反易以德化治其民者事若緩而功則難論者謂唐李西平
不特良將乃良相也王其人乎王于瀟溪周子之太極圖橫渠
張子西銘西山真氏之大學衍義皆尊信而講明之至以太極
圖與晦菴朱子之白鹿洞規訓之于石立之雲南府學則漢
之功臣有所謂疆少文不學亡術者得不愧于斯乎蓋非聖賢
之學無以為大設施之體非將士之才無以為大蘊蓄之用
王能體之以聖賢之學用之于將相之才且其過人遠矣雖然
向使王梁生無事之日其所遇所報安然始若是哉故曰天
也夫高莫高于山嶽大莫大于河海本立才劣辭陋消埃異費
其萬一父老諸首思之也哀請之也至輒不自揆謹按王行錄
述之系之以詩詩曰上帝有赫降命我明驅除胡元以開太平

乃授以臣乃奏以獨龍興雲從日出熾息勇奮其力智勇其能
焯有聲烈則唯黔寧熱率始生元之末號號推年天其素到
匪曰割之寔將啓之唯皇父之唯后母之長試以官帳前都尉
廣武廣信指揮兵衛皇曰汝來汝績其凝為朕股心為朕股肱
朝夕事朕愈大却督繼陞同知累階榮祿柱國唯勲西平是封
建侯繫爵崇德報功鐵券丹書金匱石室子孫保之世世無斃
既平南粵既定西陲北戒胡虜威行四夷唯彼西南古之六詔
元有遺孽阻我聲教皇曰西平爾副征南彼蛇彼蠍爾劉爾龕
梅江蔽江師三十萬乾控坤迴山擊海濤怒怒將柯我我格我
羅鬼陀佬像我而藉彼昏不知推兵曲靖敢追我師爾畏天命
我師其行如霆如雷大戰白石手縛其魁載虜我兵載我馬
直入滇池如裂其丸元之遺孽破卵覆巢父老歌再迎師於郊

跋世亦擢固有不暇班師振旅獻俘授職序皆抱順望裸茫河
尋傳謀蒙遮羅泰婆烏蠻白蠻東蠻西蠻穿鼻長鬚黑齒諸
麗水金魁朱提銀流白堆孔雀象犀牛一百八區三十六部
七十城門八百媳婦版圖既入職貢是修大開明堂萬國來朝
皇曰斯民悉朕赤子一視同仁無間遠邇詔汝西平其填撫之
以煥其蒙以飽其飢西平奉詔指首以拜夙夜兢兢罔敢或懈
拊摩吹煦于懷之咳甚夷藹崇于田之莩于羊于狼以購以磔
于稼于苗以膏以澤以興學校以敦詩書農隙講武夏禮學夷
夷人有言我亦人類遠以思化弱同強強今也莫倖昔也莫辜
西平曰吁茲豈在于維皇之命維皇之謨天胡不仁奪我父母
子有其父婦有其夫夷人有言我朽我羸西平哺我西平總我
擗踵而哭商酌而走九重眷注一日哀聞驚慟報朝諭祭以文

教備禮登有謀有楹王以熙寧侵其冢嗣熙寧伯堯人莫不哀
嗣後既至人莫不懷江寧之問有鬱其詔堯人不忘漢則有廟
金馬左立碧雞右昂千萬斯年以祀我王

大寧觀碑

劉定之

大寧觀在大同府城中大同古雲中地漢高祖鋤秦馭項厥振
寰海然至此為冒頓所困拓拔魏據此而起而以得中原之半
遼金皆以此為別京元因之盤根株固窟穴馬維我皇明視為
為垣重地屯兵萬運城堡十數百以控制朔漢達于無外益自
帝都顧視之大同其右翼也德成所及之遠豈前代若華夏振
夷仗者可俾哉信足謂之大寧矣洪武初創道觀以火寧為名
後有急馬能其地寒故山林無傑木鉅材其人勞于戍守饋運
征行故于取木伐石陶甃之後有不暇構架塗慢繪飾之乃有
非素習則維上公將師官府解署有不建中土者况于觀固宜
回陋就簡也今副都御史古潘王公越來鎮大同令諸法舉亦
既有年意欲新之有侍末果大守綏德郝君淵之 自監察御史

知河間府連著績用遷給即後有所興萃克成惠波公心獎之
以新觀之事委焉君退與其僚捐俸為率俾觀之羽士張道維
集好義者所願輸始事于成化三年丁亥某月此工於明年
子某月最北正殿五間殿之南面道屬于中殿三間道東西
自序中殿之南面道屬于山門道東有鼓樓西有鐘樓環其區
域為廊四周東廊二殿北以祀三官南以祀靈官西廊二殿北
以祀四聖南以祀關王間架高廣深遠如其數級樓閣懸欄楹
增其明香火麗豫朝夕節朔定其制石山藝卉沙磧植樹期其
夕既成文武官曹兵民士女咸集瞻視靡不欣喜謂義者吾人
至于斯觀有所祈謝祥瑞災殫難珍物阜雖感神惠而愧觀勿
稱今茲錫矣功有自焉唯亭立碑以待刊文紀定郝君崇從予
學乃以王公命來請予文夫斯地之安寧綏靜陶大化楚往古

由有聖主在上享天心恢神謀以長譽遐取也斯觀之盛則將
臣總風紀任牧守治神人能得其宜于中也然則斯人在下水
食有餘而奉神之休庸有既乎予既紀其事乃繫以銘詩曰絕
塞之表不聞刁斗乃聞道觀置鸞鳴鐘吼鼓鐘之聲警于昏曉
烽燧不見乃見華燿夜集于觀輝如星我皇御世武緯文經
天下之大孰如其寧風調雨順禾黍被野日之夕矣牛羊來下
饗飧是宜漣醑亦請出而射獵復虎航歸巖兕航抵嘗醑酒
囊金車帛來自塞南家給人足指財茹食以作斯觀十楹楸
唯神之尊其居王宇垂衣雲霞寶冠玉座典天為後祐我聖王
旁殿居者西嚮嗔怒各司厥職我民依怙爾胡弗驕神欲勒之
都憲節出大將轟魔執以還城往觀數傳入門而左閭雲長居
顏如渥緒有虬其須單刀雪瑩胡魄先誅有屹者亭碑峙龜趺

守臣所立鰲島仙書

勅修河道功完之碑

徐有貞

惟景泰紀元之四年冬十月十有一日天子以河決沙灣久弗
克治集左右丞弼暨百執事之臣於文淵閣議舉可以治水者
僉以臣有貞應詔乃錫璽書命之行天子若曰咨爾有貞惟河
決於今十年東方之民厄於昏墊勞于漣蘊靡有寧居既屢遣
治而弗即功轉漕道阻計是虞朕甚憂之茲以命爾其往
治欽哉臣有貞承命惟謹既至乃奉揚明命戒吏飾工撫用士
衆咨詢群策率興厥事已乃周爰巡行自北東徂南西躋踰漕
汶沿衛及沁循大河道濮范以還既克厥源流因度地行水乃
上陳于天子曰臣聞凡平水土其要在知天時地利人事而已
天時既經地利既諱而人事于是乎盡且夫水之為性可順焉
以導不可逆焉以堙高之行水行所無事用此道也今或反是
治所以難蓋河自雍而豫出險固而之夷斥其水之勢既肆又
由豫而充土益踈水益肆而沙灣之東所謂大洪之口者適當
其衝於是法焉而奔濟汙入海之路以去諸水從之而淺隄以
潰梁以淤澇則溢早則涸此漕遠所為阻者欽然欲驟而堙焉
則不可故漬者益漬淤者益淤而莫之救也今欲救之請先疏
其水水勢平乃治其決決止乃濬其淤因萬之方以時節宣俾
無溢涸之患必而是而後有成制曰可臣有貞乃經營高作治
水之閒疏水之渠渠起張秋金陵之首而南行九里而至于濮
陽之濼又九里而至于博陵之陂又六里而至于壽張之沙河
又八里而至于東西影塘又十有五里而至于白嶺之灣又三
里而至于李集之崖由李集而上又二十里而至于竹口蓮花
之池又三十里而至于大漕之潭乃踰范陞濮入上而西凡數

百里經澶洲以接可沁河沁之水通則害微則利故過其過而導其微用平水勢既成名其渠曰廣濟開曰通源渠有分合而開有上下凡河流之旁出而不順者則堰之堰有九長表皆至丈萬九堰既設其水遂不東衝沙灣乃更北出以濟漕渠之洞阿西東胄南鄆北之出沮沁而資灌溉者為頃百數十萬行旅既便居民既安有貞知事可集乃恭綜古法擇其善而為之加神用為爰作大堰其上植以水門其下線以虹隄堰之崇三十有六尺其厚什之長伯之門之廣三十有六丈厚倍之隄之厚如門崇如堰而長倍之祭濤截流柵木絡竹寔之石而鍵之鐵蓋合土木火金而一之用平水性既乃導沁泗之源而出諸山匯澶灤之流而納諸澤遠漕渠由沙灣而北至于臨濟凡二百四十里南至于濟寧凡二百一十里復作放水之閘于東

昌之龍灣魏灣凡八為水之度其盈過丈則放而洩之皆通古河以入于海上制其源下故其流既有所節且有所宣用平水道由是水官以除水利以興初議者多難其事至欽弃渠弗治而由河沁及海以漕然卒不可行也時又有發京軍疏河之議有貞固奏獨瀕河州縣之民為牧庸役而專事河防以省軍費紓民力天子從之是役也凡用人工聚而間後者四萬五千有奇分而常役者萬三千有奇用木大小之材九萬六千有奇用竹以竿計倍木之數用鐵為斤十有二萬鍵三千經百八登二千八百有奇用麻百萬荆陪之葉結又倍之而用石若土則不計其算然其用糧于官以石計僅五萬而止焉蓋自始告祭興工至于工畢凡五百五十有五日是水官佐工部主事臣瑛奏議山東布政使司臣雲鵬僉山東按察司事臣蘭等咸以為

惟水之治自古為難矧茲地當兩京之中天下之轉輸貢賦均由以達使終弗治其為患孰大焉夫白之渠以溉不以漕鄭之渠以漕不以貢而上皆費年費皆鉅億若武之瓠子不以溉不以漕又不以貢而役又弗成兵民俱徵至躬勞萬乘投壁馬額神祇而後己以彼視此孰輕孰重孰難孰易乃今役不再期費不重科以溉焉以漕焉無弗便者是以軍國之計生民之資大矣厚矣其可無繼述於來世臣有貞曰凡此成功實惟我聖天子之致所以俾臣之克效不奪浮議非天子之至明執恃高所以俾民之克寧不苦重役非天子之至仁執賴焉有貞之於臣職其惟弗稱是懼矧敢貪天之功惟夫至明至仁之德不可以弗紀也臣有貞嘗備員翰林國史身親承乏不可以嫌故自輟乃拜手稽首而為之文曰皇其九有歷年維久延天之祐既

豫而豐有節以蒙見沫日中陽九百六殺丁厥龍蛇起陸水失其行河決東平漕渠以傾否泰相乘運維中興殷憂乃覺天子曰吁是任在予可弗圖之孔亞嚴行七易曾靡底績王會在此因賦在茲民便在茲孰其幹濟其為予治去害而利惟汝有貞勉為朕行便宜是經臣拜受命朝嚴夕儆將事惟敬載驅載馳載洵載謀載渡以為乃分厥勢乃隄厥潰乃陳厥滯分者既順隄者既定疏者既濬乃作水門鍵制其根河防永存存埽如龍有堰如虹護之重水性斯泯水利斯通水道斯同以漕以貢以莫不用邦計維重惟天子明浮議弗行功是用成惟天子仁加惠東民是用寧臣拜稽首天子萬壽仁明是懋爰紀厥實勒茲貞石昭示無極

世有存之足以為亂賊之戒者君子存之有不毀則無以懲夫
 人而示天下後世者君子必毀也于其毀也而有所易黜其不
 正以歸于正者君子則以義起焉此皆關於萬世之綱常而不
 專于往事之褒貶蓋天下之公論而非一人之私心也古今纂
 宥之雄首稱曹魏其惡有不待論者始其為禪受也實在許之
 繁城寶自領郡得達現其故都有壇焉曰禪受皆誇擢之迹有
 碑焉曰禪受皆矯誣之詞千載而下指而笑之讀而唾之者不
 謀同心不和同聲此所謂存之足以為亂賊之戒者存之可也
 其地有廟焉以祠魏文南面帝服儼然臨之雖易姓改物彼亦
 有不然泯者然當其親為篡弑之地而舍此與彼則凡彼之所
 為謀以欺後世者今皆墮其智計之中吾恐儒先筆削之旨終

托之于空言而亂臣賊子將益無所忌此所謂不毀則無以懲
 夫人而示天下後世者毀之可也壇固存也碑固存也而強毀
 其廟則化日必有復舉以奉之者卒亦何貴于此舉哉謂易宜
 所祠以祠漢之愍帝而其臣孔融配焉彼以其新此以其故若
 將驅而逐之撥而反之使奸雄之徒不得一日立乎其地此所
 謂於其毀也而有所易黜其不正以歸于正者以義起焉可也
 愍之孱弱勢同寄生然猶天下之君也融雖意廣才疎而忠言
 義色至不容于賊操亦足以媿夫北面稱臣上表勸進者矣帝
 不稱獻而稱愍從昭烈所謚且漢之君非魏之所得謚也凡此
 皆所謂以義而起者焉乎君臣之分有大防焉順逆之際有大
 法焉彼奸邪之所不敢動于惡即勳焉猶必有以文之豈獨悞
 夫天下之將攻之哉亦以大防大法之所在雖後世有不得而

逃也若曹氏之于漢是也然當時郡國之中既無一人仗義執
 言揚旗伐鼓以討其篡弑之罪而在廷在野又無一人登西山
 蹈東海以明大義于天下蓋畏威附勢無足恠者至于後世之
 君子亦以空言無補固仍為且視大防大法而不一顧念焉抑
 獨何哉存其所宜存毀其所宜毀而易其所宜易此吾輩讀春
 秋學孔子者事也况職在守土乎是故寶雖不敏不敢讓雖不
 遑不敢辭

會稽漢祠碑

文徵明

嘉靖卅有六年丁未十月會稽漢義祠成祀宋義士唐公瑄林公德賜也宋杜既屋蒙古氏盜有中國童用夷教變我華長首毀故宮為寺而宋諸陵之在會稽者悉蕪而夷之以爾王氣森僧揚捷真珈突倡率之珠橋玉押悉為遺取而投骨椽莽掘其惜憾璉方者橫莫敢傍睨二公先後以他骨震易而瘞之植冬青以志賦詩激烈不勝遺黎悲慨之感未幾璉衰遺骸雜枯骸築為鎮南洋固謂可以夷戒摧蓋而不知雅非蛇玉矣方二公舉事之時履危探險藉阻百出而卒潰于成其志亦烈矣頓止歎不傳而其事雖出于元儒紀事之書其言不皆同而皆有可徵焉為不誣也夫千載河清廢吳有時間國之君注以封植陵墓為首事而元之君臣乃首發諸陵以事勝厭於是乎有以

知元祚之不永也或謂此皆奸僧之為而非元君之意按世祖以丙子下江南丁丑二月即詔璉為江南總攝尋命以所發宋陵金寶修天衣寺又以寧宗攢宮故地為奉寧寺其後以堂臣言其盜用官物及流毒江南請正兵刑而世視竟赦不殺雖堂沒入土回家口尋給還之其委曲蔽覆蓋可見矣夷狄禽獸固無足言獨惟當時輔佐諸臣多一時名項亦有前宋遺老曾無一人與懷而奮身抗義乃出于布衣草帶之事其事有足慨者且其時宋已滅亡時後遷改二公者豈復有所觀乎說者謂其無所為而為高義卓行比陸稼書天壤嘗受智伯國士之知以國士報之宜矣二公在宋曾不沾一命之榮而慷慨從事至于交服為弓鬻為宗具以需聞間時遂以固即功其難易厚薄厚薄蓋能辨之矣稽之前史漢唐易世之後其陵寢亦多被發不知

當是時亦有高義之士反墓裡而後之如二公者乎蓋有其人而不見紀載則夫二公之義雖未之前無古人也可抑於是也知宋養士之厚而獲報之無已也縣故有祠五名官祠之左歲久且毀南充張君鑑以甲辰進士來知縣事考縣志得二公之事謂公所為得名直以陵寢之故陵寢故多隙地休植植祠于事為宜歲時有事六陵以次及公祠與陵相為終始亦庶幾二公之志也于是言於郡守吳江沈公濟公亟命其請相與成之以書屬徵明記其事為論次如此而二公事始具于鄭元祐陶宗儀者不暇詳也

皇帝天下七載四方寧謐惟西廣巢賊屢經斬艾葉芽稍茁治時復陸梁永安生犢成萬攻圍州治且結搆修仁荔浦等邑沿府江惡党阻截江道軍民火擾監祭御史林公廷選巡按廣西堅于用兵自新不感遂會議馳驛奏聞命下吳整六師期旦吹氛爭先是年三月守吳安指揮麻林謀報湖廣武岡之楊崗苗二千餘出抄掠居民列營于西延石路千戶唐瑛總甲葛明鑑迎敵而殲虜益鴟張林公即撤副使武君清督行都指揮事指揮楊現撥兵於魯塘咸水諸處分布又款熟搖于要地賞罰嚴明入奮其勇石布政使黎君福僉事王君本儉又協相其間斬首三百級生擒一百五十諸苗賊遠遁一方抵寧至冬遂舉永安之師總鎮太監王公敬總督都御史閔公珪總兵伏羌伯

毛公銳又同林公俱臨平梁駐劄平總計三廣官軍狼兵連軍民數多寡分為四哨會委副總兵郭君錫副使成君清統兵從荔浦沈府江西岸諸村左恭將毛君倫僉事劉君信從五屯除西鄉諸賊巢自象州修仁直掃六崗等穴則屬之右恭將歐君盤參議吳君昭自廣西盡平府江東岸等地則俾之遊擊王君永僉事王君本儉又調僉事黎君鼎巡賀縣截潘道會遊擊侯得雋奉政徐君鏞繼續無缺之僉事陳君桂閱視紀功惟謹其西東水陸攻城北面恐賊更速潛逸則別令副使向君傑指揮楊親背腹夾功共破村寨岩崗一百八十處斬首六千級奪回被擄男女四千四名口俘獲賊屬及賊器械俱無算設網既露脫目者募太監張公瑄又輸資助軍究心替畫克成厥功我師大捷無凶矢遺鐵之患四月二十六日班師攻各岩崗九險

阻莫上歷代為賊長城率不可拔者重搜扒擊今皆化為糞粉惟郭武所分通天岩賊惡高下矢石我師攻圍月餘其固如故今總督石都御史唐公珣初下車即星馳至平梁督戰益力眾勇智俱奮岩遂破時郭已擢漕運總兵去單歐離郭為副帥奉唐公區畫經理府江無不順流予親我朝命將出師有率南夷其功莫偉于是也初功將成閔公已擢南京刑部尚書之任自出師而旋其間運籌進討巽莫功次委任得人勸懲有道無不用命用是賊眾數十年蟄虐之患一旦盡平謂非林公始終其功耶東瀛大將軍實憲既破北狄當時威靈氣焰亦必烜赫宇宙不旋踵野烟沙草磨滅始盡班固為作勒燕然銘有新溫蜀謀鼓戰石逐膏鋒之句籍此彝震千古若林公者其即策協眾力平蠻之功無愧于古可以記述以見我朝武功之威挾雷霆

而共信配日月而並明者哉宜磨桂山之石勒予言以傳不朽銘曰自古南夷或臣或叛克國董威新息弥乱有如孔明生擒孟獲又如狄青崑崙衣克永安接據四面生夷溲溲府江化為錦觀文武協謀分哨進討無險不登無堅不拂少壯殊死僅尸如麻高岩漬血凝帶殘霞獻職連連千牛行酒宜京親築以懾群醜邊患底平其功何屬曰惟桂史終始提督技者閉朝天喜滿容定爵賞以示褒崇昔漢嘗憲大摧北狄燕然勒明益堅東華歐詩而際韓疏黃冢我勒斯銘昭代之華